

005.745:34(049.32)

PRIKAZ GODIŠNJE SKUPŠTINE EVROPSKE ASOCIJACIJE PRAVNIH FAKULTETA (ELFA) 2015. GODINE U ISTANBULU

MSc Dženis Šaćirović*

U organizaciji Evropske asocijacije pravnih fakulteta (ELFA) u Istanbulu na Yeditepe Univerzitetu je u periodu od 16 do 19. Aprila 2015. godine održana Godišnja skupština, kao i nekoliko panel diskusija i izlaganja referata učesnika sa fakulteta članica ELFA. Na jubilarnom, dvadesetom, rekordnom okupljanju predstavnika fakulteta iz Evrope, ali iz cijelog svijeta, Univerzitet u Novom Pazaru postao je član ove prestižne institucije, i predstavljen je delegatima pravnih fakulteta u Istanbulu. Predstavnik Departmana za pravne nauke Univerziteta u novom Pazaru bio je Rukovodilac departmana, Doc. dr Aleksandar R. Ivanović.

O užoj i široj djelatnosti ELFA

Evropska asocijacija Pravnih fakulteta (ELFA) osnovana je u Leuvenu u Francuskoj od strane preko 80 pravnih fakulteta koji se nalaze na različitim univerzitetima širom Evrope. Organizacija sada ima više od 200 članova iz zemalja EU i šire djeluje kao međunarodni forum za diskusiju o mnogim pravnim temama koje se odnose na pravno obrazovanje. U okviru djelovanja ELFA svake godine se organizira konferencija kojoj prisustvuju predstavnici univerziteta članova asocijacije koji izlažu, i međusobno vode razgovore o različitim aspektima pravnog obrazovanja. Cilj aktivnosti ELFA je da proces reforme pravnog obrazovanja u Evropi koordinira, uvodi u nove teme i istraživanja, promovira suradnju između univerziteta u Evropi. Upravo se posljednjih godina, kao glavni fokus djelovanja ELFA proklamira reforma pravnog obrazovanja u Evropi. Pored tih aktivnosti, ELFA prati, i pruža informacije o trenutnom stanju pravnog obrazovanja u Evropi, te o sprovedbi Bolonjske Deklaracije na studijama prava, sa posebnim naglaskom na akreditaciju i provjeru kvaliteta kao jednih od uslova evropeizacije studija prava. ELFA je takođe aktivna u razvoju novih modela za primjenu informaciono-komunikacionih tehnologija u pravnom obrazovanju i pruža informacije i podršku za svoje fakultete – članove organizacije.

Razlog za osnivanje ELFA je neophodnost bavljenja problemima nakon tzv. Bolonjske reforme visokog obrazovanja koja je u to vrijeme bila u punom jeku u Evropi. Osnivači udruženja su bili ubijeđeni da za uspješnu reformu pravnog obrazovanja bilo bi od presudnog značaja da se obezbijedi platforma za diskusiju i koordinaciju reformskih napora, kako bi se omogućila razmjena stavova, i razmjena

dobre prakse među članovima jedne takve organizacije. Oni su smatrali da takva mogućnost povećava kvalitet pravnog obrazovanja u Evropi i nadograđuje reforme iz puke promjene do trajnog poboljšanja.

Udruženje je moralo da se suoči sa mnogim izazovima i problemima. Poteškoće u razumijevanju, i otvaranja određenih tema, javljale su se, što zbog različitih tradicija pravnih fakulteta, što zbog stavova u okviru postojećih univerzitetskih struktura, sistema finansiranja i rangiranja standarda kvaliteta, ali se vremenom sve više stvarao konsenzus oko jedinstvenog vrijednovanja i primjene unapređenja obrazovanja. Navedene okolnosti u okviru šire djelatnosti ELFA su samim tim i omogućile kompetentne i vrlo značajne diskusije o mnogim temama, koje su se odvijale na godišnjim konferencijama. Tu se ceo fokus stavlja na osnovne i najvažnije probleme i izazove u vezi sa pravnim obrazovanjem u Evropi. Tokom dosadašnjeg djelovanja, svi rezultati diskusija su bili važni, pa se Deklaracijama usvojenim na godišnjim skupštinama služe nacionalni i Evropski organi koji sagledavaju donijete zaključke.

Pored djelovanja unutar ELFA, njeni predstavnici su redovno učestvovali na godišnjim sastancima AALS (Association of American Law Schools) i pozivali svoje američke kolege godišnjim sastancima ELFA.

Godišnja skupština u Istanbulu 16-19.04.2015. godine.

Dvadesetogodišnjicom od osnivanja ELFA, godišnja skupština pravnih fakulteta održana je na Yeditepe Univerzitetu u Istanbulu u periodu od 16 do 19. Aprila 2015. godine. Radni naslov ovogodišnjeg okupljanja dekana pravnih fakulteta glasio je: *“Pravni fakulteti na raskršću”*. Rekordan broj učesnika ovu skupštinu i konferenciju čini najobimnijom do sada, a pored evropskih, pridružio se i veliki broj fakulteta izvan Evrope uključujući fakultete iz SAD, Kine, Australije, Meksika, Bahreina i Pakistana, ali i mnogih pridruženih članica. Na generalnoj skupštini i konferenciji učešće je uzelo 200 predstavnika sa pravnih fakulteta članica ELFA iz sledećih zemalja: Austrije, Australije, Bugarske, Hrvatske, Češke, Estonije, Gruzije, Nemačke, Kine, Italije, Litvanije, Letonije, Makedonije, Malte, Meksika, Moldavije, Holandije, Norveške, Pakistana, Francuske, Poljske, Portugalije, Rumunije, Rusije, Srbije, Slovenije, Španije, Švedske, Švajcarske, Turske, Ukrajine, Kipra, Velike Britanije, Sjedinjenih Američkih Država. Pored predstavnika fakulteta, prisustvovala su i 103 profesionalne organizacije iz 35 zemalja.

Program je počeo 16.04. prijemom dobrodošlice na “BüyüK Kulüp – Cercle d’Orient”. G. Bedrettin Dalan, osnivač Yeditepe Univerziteta i bivši gradonačelnik Velikog Istanbula (općine u Istanbulu), prisustvovao je prijemu dobrodošlice i pozdravio prisutne akademike, pravnike, i predstavnike međunarodno poznatih advokatskih kancelarija. Nakon pozdravnih govora, prof. dr Haluka Kabaalioğlu, predsjednika ELFA i dekana pravnog fakulteta na Yeditepe Univerzitetu, obratio se i prof. dr Laurence Gormley, prvi potpredsjednik ELFA i profesor prava NA Univerzitetu u Groningenu, nakon čega je prijem završen.

Program konferencije je počeo sa pozdravnim obraćanjima i na plenarnoj sjednici održanoj u Inan Kirac sali u zgradi Rektorata Univerziteta Yeditepe 17.04. Pored akademika i delegata pravnih fakulteta širom svijeta, diplomatskih predstavnika raznih zemalja u Istanbulu, novinara, i studenti Yeditepe Univerziteta, kao i učenici mnogih srednjih škola u Istanbulu, pokazali su interesovanje za sesije konferencije. Nakon uvodnog govora, prof. dr Nurcan Baç, rektora Yeditepe Univerziteta, sjednicu je nastavio sa prof. dr Halukom Kabaalioğluom. Prije nego što je sesija počela, prof. dr İslam Manafov, akademik na Univerzitetu Yeditepe i osnivač kamernog orkestra i Simfonijskog orkestra Yeditepe, održao je kratak koncert. Nakon uvodnog govora, prof. dr Haluka Kabaalioğlua, predsjedavajućeg plenarne sesije, sesija je počela izlaganjem sudije Marca Jeagera, predsjednika Generalnog suda Evropske Unije i predsjednika Univerziteta u Luksemburgu koji je izlagao na temu: *Uloga Generalnog suda Evropske Unije u pravosudnom sistemu*. Prof. dr Philip Mc Connaughay, dekan Peking University School of Transnational Law, govorio je o svojim eksperimentima sa pravnim obrazovanjem u Kini i objašnjavao zašto je Kina „jedan korak ispred EU i SAD“. Slijedeći učesnici sesije bili su: prof. dr Leo Martinez, predsjednik udruženja američkih pravnih fakulteta (AALS) i bivši dekan, i Albert Abramson, profesor prava na University of California i Hasting College of Law, koji je prezentirao rad u vezi sa krizom pravne profesije s kojom se suočavaju SAD. Prof. dr Ilmur Salikov, sa prestižnog Kazan Federal Univerziteta fokusirao se na pravnom obrazovanju u Rusiji podnošenjem svojih dragocjenih komentara i izlaganjem. Na kraju, prof. dr Erica J. Techera, dekan Univerziteta Western Australia, predstavila je rad pod nazivom: „internacionalizacija i istraživanje suradnje: Australijska perspektiva“. Na kraju plenarne sesije, rađene su procjene pravnog obrazovanja od strane vodećih autoriteta iz Turske, Zemalja Evrope, Kine, Rusije, i SAD.

Učesnici su imali priliku da doprinesu naučnom skupu i upute pitanja ili komentare koji sadrže stavove zemalja iz kojih dolaze. Paralelne sesije su u popodnevnom satima nastavljene sa velikim interesovanjem delegate i drugih učesnika. Izlagači su počeli izlagati svoje teme u nekoliko paralelnih sesija:

- Panelom pod nazivom: *“Izazovi za pravnu struku u okviru Partnerstva za transatlantsku trgovinu i ulaganja (Transatlantic Trade and Investment Partnership – TTIP) ”*, predsjedavao je prvi potpredsjednik ELFA, dr Laurence Gormiei. U ovoj sesiji, učestvovao je i prof. dr Henry Gabriel, delegat UNCITRAL i UNIDROIT, profesor Harm Schepel sa Kent University, profesor Vahit Polat sa University of St. Etienne, i profesor Ulaş Gündüzler, sa Eastern Mediterranean University iz Turske Republike Sjeverni Kipar.
- Drugim panelom koji je nosio naziv: *“Međunarodne dvojne diplome i zajedničke dvojne diplome”*, predsjedavao je profesor Josep Maria De Dios Marcep, potpredsjednik ELFA, zatim istaknuti profesor, gospođa Anne Klebes-Pelissier, bivša predsjednica ELFA i direktor International relations of Strazbourgh University, zatim gospođa Erica Techera iz Australije, i Jennifer Bard, direktor Health, Law and J.D./MD programa drugog stepena na Texas

- Tech University i koja će biti sledeći dekan pravnog fakulteta na Cincinnati Law School sljedećeg Jula meseca.
- Trećim panelom pod nazivom: "*Evropsko krivično pravo, Dosadašnja iskustva i narednih deset godina*", predsedavala je prof. dr Vera Kalvodova, potpredsednik ELFA i profesor Krivičnog prava na Pravnom fakultetu Masarky Univerziteta u Češkoj, profesor Gerthard Fiolka sa Univerziteta u Frajburgu i profesor Barış Erman sa Yeditepe Univerziteta. Prof. dr Vilenas Vadapalas, profesor Evropskog prava na Yeditepe Univerzitetu, i koji je devet godina radio kao sudija, izlagao je svoj rad na temu: "Evropsko krivično pravo, nedavna iskustva i narednih deset godina". Profesor Ūmit Kocasakal, predsednik advokatske komore Istanbula, član Yeditepe Univerziteta i Galatasaray pravnog fakulteta, izvinio se što nije mogao da prisustvuje panelu kao govornik zbog učešća na vanrednoj sednici Mediteranskih advokatskih komora koja je organizirana nakon nedavnih napada na Palate pravde u Milanu i Istanbulu. Na ovom panelu, učestvovao je i rukovodilac Departmana za pravne nauke Univerziteta u Novom Pazaru, Doc. dr Aleksandar R. Ivanović kao jedini predstavnik univeziteta iz Srbije ove godine. Profesor Ivanović uzeo je učešće u diskusiji u okviru ove sesije, a na temu krimnalističkog obavještajnog rada (led intelligence policing) i primjene koncepta prava da bude zaboravljen (right to be forgotten) u praksi zemalja Evropske Unije.
 - Četvrti panel nosio je naziv: "*Zaštitni znak i antimonopolska sudska praksa Evropskog suda pravde*". Predsjedavajući ovog panela bio je prof. dr Mikele Grazidai, potpredsjednik ELFA i profesor Pravnog fakulteta Univerziteta u Torinu. Na ovom panelu obratili su se sudije ECJ (General court) Hon. Irena Wiszniewska-Bialecka i Hon. Savvas Papasavvas, zatim ugledni profesori: Maria Pilar Canedo, predsednik Basque Antitrust Authority i rukovodilac Transnational Law of Deusto University in Bilbao, i professor Santos Rodriguez sa San Pablo University.
 - Petim panelom pod nazivom: "*Obelodanjivanje Edvarda Snoudena: uzbunjivač, špijun, patriota ili izdajnik?*" rukovodio je prof. dr Patrick Hugg Profesor Layola Univerziteta u Nju Orleansu. Učešće na ovom panelu su uzeli: prof. dr Dane Ciolino sa Layola Univerziteta u Nju Orleansu, Richard Meyer sa Mississippi College of Law, David Ritchie sa Mercer Law School, i Jon Garon sa Nova Southeastern Shepard Law Center.

Dana 18.04. program je nastavljen jednim panelom i sastankom ELFA Generalne skupštine. Poslednjim panelom rukovodili su profesor Marek Grzybowski sa Warsaw University, profesor Jacek Petzel sa istog univerziteta i profesor Julian Lonbay sa Birmingham Law School, profesor Leo Martinez sa University of California, Hastings, i profesor Oleksiy Kresin sa Volodymyr Koretskyi Institute of State and Law. Teme sa ovog panela razmatrane su sa perspektiva Poljske, Velike Britanije, SAD-a i Ukrajine.

Posle panela, delegati ELFA članova prisustvovali su Generalnoj sednici skupštine koja je održana u Plavom salonu (Mavi Salon) u zgradi rektorata Yeditepe Univerziteta. Na početku zasijedanja Generalne skupštine, rukovodioci održanih panela podnosili su rezulate rada. Skupština je počela govorom predsjednika prof. dr Haluka Kabaalioğlua koji je istakao sljedeće tačke:

- ELFA nastoji da stekne što veću globalnu zastupljenost, i tom prilikom pozdravio je veliki broj fakulteta van evrope koji su pridruženi članovi ELFA.
- ELFA je umnogome poboljšala svoju suranju sa mnogim institucijama izvan Evrope, kao što su institucije u Ameririci, Australiji i Aziji: (Southeastern American Law Schools (SEALS), Association of American Law Schools (AALS), Australasian Law Teachers Association (ALTA) pravni fakulteti iz SAD, Pakistana, Bahreina i Meksika).
- U cilju boljeg sprovođenja komunikacije izmjeđu članova ELFA napravljeni su novi sistemi komunikacije, kao i novi vebsajt.
- U cilju povećanja ELFA utjecaja i predstavljanja pravnim fakultetima širom svijeta, stvoren je novi logotip, i brendiranje ELFA kroz različite načine, kao što je štampanje različitih biltena i slično.
- Kao rezultat svih napora, ELFA je učlanila još 40 novih fakulteta u posljednjih 10 mjeseci, pa se stoga njena reputacija širi ne samo u Evropi, već i na drugim kontinentima.

Nakon izvještaja predsjednika prof. dr Haluka Kabaalioğlua, prof. dr Laurence Gormley, stavio je nacrt rezolucije na glasanje Generalne skupštine. Nakon glasanja, rezolucija je jednoglasno usvojena. Rezolucija Generalne skupštine ELFA glasi: Nakon usvajanja rezolucije ELFA, prof dr Laurence Gormlei, profesor Prava Evropske Unije na University of Groningen, i prvi potpredsjednik ELFA izabran je za novog predsjednika ELFA; prof. dr Andreas Ziegler, redovni profesor i direktor LLM programa na Univerzitetu Lousanne (Lozana), izabran je za novog člana odbora. Također, izvršeno je i usvajanje finansijskog izveštaja asocijacije i promocija novih članova, u okviru koje je i Departman za pravne nauke Univerziteta u Novom Pazaru zvanično promoviran kao novi član ELFA.

Dana 19.04. učesnici su imali grupnu posjetu Topkapi palate i ostalih kulturno-historijskih znamenitosti Istanbula.




Slika (1): Rukovodilac Departmana za pravne naune Univerziteta u Novom Pazaru sa učesnicima Genralne skupštine ELFA 2015. - Istanbul.



Slika (2): Rukovodilac Departmana za pravne naune Univerziteta u Novom Pazaru, učesnik u panelu - Evropsko krivično pravo, Dosadašnja iskustva i narednih deset godina.



Slika (3): Rukovodilac Departmana za pravne naune Univerziteta u Novom Pazaru, sa predsednikom ELFA i potrprednikom ELFA



Slika (3): Rukovodilac Departmana za pravne naune Univerziteta u Novom Pazaru, na svečanoj večeri ELFA Istanbul 2015